

抱
潤
軒
文
集

抱潤軒文集卷四

桐城馬其祖通伯

上孫琴西先生書

乙亥

其祖聞之山林間放之士往往以傲自高尚是大不然公卿大臣果賢耶是不
常傲賢也不賢耶夫安所容其傲且公卿大臣固朝廷所貴重矣以彼之爵不
足抗吾德而傲耶庸詎知非己無可知而故匿其短也慢一夫且大不可將必
傲公卿大臣之賢傲其賢固不知有賢知有公卿大臣而已夫公卿大臣之賢
又士庶標準也而顧可傲之哉見其重則傲之與媚之同一有其貴也不見其
重則彼與我皆賢也彼與我皆賢與其傲之猶有其貴不如而忘於賢而化其
迹或曰事非其人則失之于進無甯傲而猶可自守是說也吾亦無以易之然
非所論其祖之於先生者敢錄其說以獻於左右惟垂鑒焉不宣

最近似介甫陳伯嚴曰委視盡意鄭東父曰此
文源出戰國策有志為孔子學者當亟悔之

與劉仲魯書

乙酉

仲魯足下去年冬接七月十月兩書良以為慰其昶求先母葬地久未得邑人
白曉生頗習形家言聘之至家迄今亦未得自以罪大惡極無可對知己且胸
中欲言者多聞足下將出都律金華寄書不若都中易矣以吾與足下交契而
經歲不達一書雖然此一歲中何嘗旬日不念吾故人哉頃閱直省題名錄知
足下得舉鄉試第一此可喜者方今士人惟驚名利重科舉見有得者則羣焉
慕之其得之速且顯者則慕之益甚父以詔子師以詔弟必步趨之恐後至其
人之賢不肖則不問也有不得者則又必相與怪駭引為大戒至其人之賢不
肖亦不問也竊嘗以為天下之風趨視乎士士人之習尚視乎科舉科舉之得
人與否則又有運數存焉蓋自三代以來選舉之法一壞而不可復人主所操
以鼓舞天下士者惟出於文字之一途而有司又挾一定之繩尺以擬其後夫
取士而第衡其文已不足以得士又况嚴其程度多其忌諱天下奇偉非常之
儔安能齷齪以就所謂繩尺哉又其甚者並無繩尺之可言苟以便一時嗜利
之私而不足以為去取之準於是科舉得失之故不得不舉而歸之運數豈非

任途之窮舍本求末其弊固有所必至也天下之才其下焉者則惟科舉之知其上焉者則持高明曠達之說謂科舉何足輕重而吾獨以謂一士之黜陟大乃係乎天下小亦一鄉一邑數十季之士習風趨視為轉移未可以為偶然也得其人則士之賢者勸矣不得其人則士之不肖者勸矣常斯時也乃能得一仲魯庶幾天下之勸而進於賢者多歟故凡吾之喜為科舉得人喜也此何足為吾仲魯道哉往者仲魯應試太夫人之屬望殷矣今太夫人已不幸悲夫祿不足以逮親吾為仲魯悲也惠書所論學甚切離羣久類情日甚每一展誦受益甚大足下進德之銳無與比者邇者閱歷所得不惜見教奉甚甚在浙何時還北眠食何似家人安否生子否此時留都中抑已歸家耶東父久無書來其老母常康甯在都必常晤其近詣若何自東父外仍有往還者否凡此皆吾所渴欲問者復書使一一告我相見無由祇益懷想耳不具

吳先生曰文字達選而入情趣亦極

與劉仲儀書 丙戌

今兄見過述足下館中事甚可駭怪士方居約時於人世榮顯炫赫之跡一無
所取獨自授經窮巷中庶乎其免矣乃獨見妒同儕詬辱疊至聞或勸足下愬
學官則於義似未盡通者其祖買山葬先人為邑子所侮奪山去常時頗不能
平今思之正不必耳蓋嘗讀易至大壯見四陽盛長道通行健無有間隔誠哉
極天下之至壯矣而彖曰大壯利貞大象曰君子以非禮弗履則是任理而不
任氣也戰乎已而不求勝於物也不然皆非所謂壯也乾者天下之至健也君
子以自強不息其義亦猶是焉蓋天下之壯有求之內者有求之外者禘卦傳
大壯剛止則壯非求於外明矣孟子論大勇在自反而縮而以剛大浩然之氣
為集義所生先儒謂孟子之學深於易茲非其一微歟其昶嘗妄謂學易真切
於知時而其歸則要於戒懼足下好學深思方今盈虛消息之幾窮之素矣道
養時晦期為不食之碩果至外侮之來吾益恐懼修省可也豈必與彼等者絮
長短爭勝負之數哉索居久人事日拂感足下近事輒書其誦習所偶獲者效
切磋之誼惟足下奉辱教之

吳先生曰義應時卒
折得此文特淵結

答鄭東父書 丁亥

得惠書甚喜別後不自力學忽忽壯大恐遂無成住在都日相接今乃知其益也居嘗讀顧亭林先生書甚好之又嘗喜讀陸桴亭思辨錄私謂國朝諸儒之學平湖楊園步趨朱子至矣顧氏之博陸桴亭之通近代曾文正之大此三家者要與朱子為近綜賅本末確然可施行顧氏獨好五經及宋人性理書其自述蓋如此惟其論學論治銳於自信詞旨矜高且鑒明季空言之失矯枉或遇其後學者遂祖其說稱述漢京輕詆宋賢風尚變焉乃吾觀其書務求經世之業固非章句小儒所可託也夫古之君子自任以天下之重者深知事變無窮故常有退讓審慎之意矜其所學而概欲施之天下古若今操此而踞者有矣吾讀文正集歎然於學問之不足恃事功之未可易言其識固有大過人哉抑更事多而後智量遠也然文正生平頗好文藝顧氏則毅然一以匡植道教為己任孤行特立不可謂非命世豪傑之材已承近日服膺顧氏其祖竊喜其尚論有合又未知愚淺之見於足下亦有合乎否也佩蘭先生勤於為政彬彬

乎有儒吏之風讀贈言一篇陳義甚當憶往季約共致此意於佩公足下今乃
能既其言其祖居其署中月餘竟無所贊益也致仲魯書奉附去久不得其息
耗至為念之天暑惟千萬自愛不宣

吳先生曰尚論有專識抑揚頓挫最有約
度陳伯嚴曰體驗有得之言味之彌永

上姚靜盦邑侯書丁亥

昨論汪正宣挾邪術不得妄舉孝子害名教甚大顧亭林氏謂禮教風俗士大
夫與有責焉故採擇清議佐賢父母治化乃未蒙鑒察斥而不納誼不得終默
敢略陳之正宣一邪僻賤巫耳其被行敗德昭昭在人耳目挾禍福之說干大
府聲勢動一時思得美名自益飾前者執事迫承大府意旨為詳請題 奏事
非得已今公論大仲中丞且下檄察實猶悍然堅持其事甚無謂也正宣自言
其孝不過廬墓刲股執事贊曰大德亦不過信其廬墓刲股之誠然且夫廬墓
刲股後世矯激之行非出於中道君子節而取之亦必其生平他行別無大戾
正宣以左道惑眾其廬墓刲股事有無不可知即誠有之豈足為孝古之孝者
既葬速反而虞何有於廬墓身體髮膚受之父母不敢毀傷何有於刲股防墓

之崩孔子先反是孔子未嘗廬墓也曾子考終啟視手足是曾子未嘗剖股也
今日廬墓剖股乃孝之大德豈孔子曾子之孝尚未大耶詩書論孝德至備今
縱不足語此奈何反取邪僻辱身大不孝之行而尊異之以壞亂風俗方今天
下異學蜂起各肆其淫邪之說煽誘黔首紛紛藉藉而尚未知其所極執事恕
之曰不得以小術掩其大德是正宣之挾小術彰然明甚無可適飾昔

祖廣訓闢異端崇正學

宣宗以韻文闡其旨且載之

國典正師術士妄

言禍福厥有常刑其所以一道德遏亂萌之意至深且遠前古之已事可知矣
其他可恕此不常恕也而可旌哉行不軌盜虛稱此亦非正宣之福也自晚近
以來士習於功利猥屑以弋取勢位絕無砥節厲行之意寓乎其間乃別旌孝
弟謹篤有行檢者以厲風俗此其事有心者所當悲痛而愛惜之者也至孝弟
謹篤之名亦可欺罔而得烏呼其殆世運之極變矣孔子曰惟器與名不可假
人非惜夫虛名惜夫天下之實將遂不可復見也敕邑以孝行受旌者自明植
孝子郁下數十人皆行修名立一旦以賤丈夫廁其間先賢靈爽必且傍皇却

顧恥共歆饗而後進之士見其榮受 旌典遂真謂可汰可師習奔競甘穢濁
廉恥道喪正學益衰誠可痛也執事臨蒞敕邑數年矣士民之邪正衆論之咸
否類無不洞達者始聞其孝而舉之繼知其不孝而黜之豈不仁義兼至大君
子之行哉若必遂其前失以辱 朝廷汚風教使百世後論者追溯太息謂此
事成於執事之手敕邑士大夫竟無一主持清議者袒誠恥之亦竊為執事不
取也伏惟恕其狂愚俯賜採納不勝至禱
具先生曰詞嚴義正似韓公關佛之
表歐陽請高司諫之書此舉誠可
功收教不淺陳伯鳳曰聲實宏大

請歸宗改製狀

竊職祖河南汝甯府通判馬樹華與本生祖樹章為同產兄弟本生祖生職父
起升叔父起恆通判生霍邱訓導起泰叔父起益訓導獨以嫡長相承八世於
繼別為宗子既服官年四十早世無子宜立後時叔父起益幼未娶期功無可
後咸豐五年職其祖生職祖即命嗣訓導為主後自職後訓導三十年職父生
子皆殤叔父起益生四子今職父母不忝相繼歿垂絕流涕言必得親子兼祧

職自痛襁褓出後今所後祖已有孫四人而本生無別子職年逾三十未有子
息大懼一身無由奉兩宗之祀揆諸二祖九原之心必有悵惻怛悼不能自釋
者苦塊迷惑罔知義例誠不勝大願願專嗣本生即哀懇族長定議告祭先廟
遺產歸嗣子惟通判咸豐初在籍殉難七季蒙 恩給雲騎尉世職職長孫承
重同治二年遂循例襲職光緒元年復以文生兼襲今其昂既嗣訓導後職退
繼還本生宜並退世職歸其昂承襲於 朝廷矜忠教孝之意誠無所恃謹取
具宗圖冊結呈請鑒核哀憐據情題 奏改正襲典以正宗支無任悚切待命
之至謹狀

吳先生曰通伯此舉有據爵之高無與為人後之累可謂仁禮
兼得矣文亦動厥簡直卓然可俾陳伯嚴曰彼哉為漢人之遺

荅方倫辨書 己丑

倫卦足下前者辱示大著事實攷略後述俾之論定意懇而詞切至於再三其
昶自撰家難文事久廢置不講承命愧悚不甯者累日以吾二人之誼不應嘿
嘿輒敢嘉貢所見其言不必當其意惟倫卦知之也辱耳惠書猥以喪中為文
不宜過矜鍊其說為不謬獨疑子孫述其先者贊頌語非所宜施謂子孫固有

闡揚先世之責舉曾子固先大夫集後序朱子皇考朱公行狀所以贊頌者辭
皆極至願往復以哀一是且自明非有拒心倫并之意甯待自白耶其不務辦
給取勝惟吾亦知之而有然者則亦何所猶豫遜避而不肯盡意於吾倫并耶
莊周有言孝子不諛其親忠臣不諂其君夫所謂諛諂者豈必無其實而虛稱
以誣之哉侍言尊者之側語貴質而不敢盡也而武飾之君子曰是相疎外之
道也其於為文亦若是焉而已據事直書使覽者自得其情而於言若有所不
敢出者敬之至也子固之叙先集皆綜其立朝建言之大詞若歸美而實反覆
推明其齟齬不得志之由所謂用意深遠者也今所著事實攷畧大指固主於
鋪陳德美非若他書之有待發明倫并自為後叙記其緣起可也而復云云於
義為侈於文則已贅矣且叙跋之體於傳狀尤不類也義所不可古人雖嘗有
是君子不以自安況古者之未必然耶吾讀孔孟書敘列古仁聖賢人傳矣乃
皆罕及其先德豈其行事皆軼無可徵與君子之自修也務既其實其事親也
亦體吾親務既其實之心而不惟名之兢兢片念之耀乎外謂以厚其親即所

以薄之者甚大况吾親自足表見於天下其名之永不永固不在此裸揚其親之名人子之至情也然而古之君子猶致慎焉此其意亦惟倫并知之也吾與足下益懋勉之而已

吳先生曰此文有任意揮斥之美其義則可贊古人

禽蕭敬甫丈書

辛卯

得十月十九日書竝寄賜姚氏漢書平點及醫方各一冊忻感以媿迫多事又所言倉卒未可展意遂至逾月闕不報豈不罪甚哉歲暮念常反里益苦無便使候問開春之約恐不果來元宵後其昶有金匱之役倘過皖得因緣侍教幸甚忝其伏惟吾丈垂念先人之好不肯疎外辱書教以所處謂當堅忍家居讀書不當外出而重以鄉邦五六百年文獻之傳不宜到今而絕敦勉倍恆又自傷久客故平生志業未能悉副嗟乎非至篤愛孰肯言此者乎其昶雖不肖其安能無慨於中也念自小席先世遺業入塾受讀世事一不通曉今乃遑遑取濟於道途吾丈謂我豈誠樂於此乎孤露失所託賴推傷困辱之事無歲無有家世薄產鬻去已強半婚嫁迫乘丈夫不能自存乃欲開口向人輒自慙慙計

惟貴力傭書猶當勝耳奉述員未深一二年了此即歸去讀書以終吾身進取之事知復有限妄自謂少壯所業不復於人人猶且鑿枘而不合他何求焉君子之為修也獨有己之可力耳其榮悴通塞乎我者天也吾何歎乎哉假文術逐聲利以自私其祖雖不肖猶能知所恥辱蓋天下所以脊脊大亂皆始於士大夫之自營其私而其末乃遂可無所不至以是自勵間亦以之語人比年以來朋遊之中多有讀書嗜古者矣至於矯然崇節概而不少挫抑者此其人不必皆有所勉於學然而不學則更無可以庶幾者故其祖於讀書嗜古之徒未嘗有所聞而不求求之得而不相賓異者以其在今日尤可貴也里中舊籍散亡殆盡迺稍稍購蓄經史之大且不能具從人假乞則面有難色或迫相追索不終卷取去日與仲實牀節言此相約擇城中高處建閣各出所藏書充其中而歲益所未備恣好學者之婪曉取閱無得禁格夫書者聖人以詔世天下之公器也私焉則失其所以為用矣承留意探討掌故數十年今特舉以相屬謂但使書傳不必自我出大哉言乎夫書之出於己者且不必其自私況非已

者而可私耶徒以資蠹蝕供子第不材者之狼籍而豈非惑耶塊坐獨處多所
感念讀來書益觸發不能過輒率所胸臆以為荅蓋其昶雖不得已於遊要其
本志所存有如此者惟吾文章垂鑒之

吳先生曰俱見憐才好古之襟韻佳伯
幾口中多見道語文亦取似析州

奉吳至父先生書

壬寅

自其昶始學文時受知愛莫夙於先生開闢徑涂不迷其源不阻其修其得力
惟先生多乃一旦南北分異遂至疎絕曠遠積十餘年之久無一言一字得徹
於左右雖至頑薄不肖不宜至此蓋嘗念自古魁儒大師奮出一時千名米譽
之士爭自刮磨求親媚以驚動時人耳目所在皆能也扳依以為重豈有幸焉
周旋託於平生名氏廁諸簡末即百世又知其為誰何乎吾誠能取之於古臨
之於躬則形迹雖疎君子不疎也吾誠不能取之於古臨之於躬則形迹雖親
君子不親也故其昶自先生暨武昌先生及凡當世者宿暗未嘗有所請謁獨
私冀其道粗成庶幾有可承教之一日不幸家中替二親繼亡危苦患難之
來非人所堪孤了一身無可諉謝又先祖久殯淺土三喪未舉因一意致覽形

家言廢詩書歷岡阜八九年於茲幸今得畢大事而期功之親亦捐卻明恩都
無纖介家難既寧方思整舊業又不幸以衣食故傭書外出每當深夜不寐萬
器號寂慨然遠想痛吾親之不可復見悵師友之遠睽歲月駸駸誠恐此事使
不堪造就必孤抱所業俟其或成是終不復有可承教之一日而十餘年區區
不苟之心終莫能自白也并時之賢之當我愛者且不相諳悉而乃冀幸於沒
世其為疎濶不愈甚乎因謹獻其所著文二冊又讀易策記一冊惟先生幸鑒
其說學寂早最不幸而將無所成也而卒賜教之幸甚幸甚

鄭東父曰極似柳子厚陳伯
儼曰壯義不苟古有典則

荅劉仲魯書

甲午

往吾與足下遊至樂也無旬日不見見未嘗不善相旌過相救也不見未嘗不
思也別久矣吾之情猶是也前足下過此甚喜以為可謀永朝永夕之惟竟不
能然脾之餓者曉馬求哺終不得食斯已矣嘗鼎一指即持去此人之情能無
怨望者哉辱書乞言於我并承惠中州名賢集多荷多荷仲魯虛受之懷猶昔

也賢者進修之詣豈一談之頃所能測又其祖方自媿德業無所就雖欲效前時有不知所為言者顧感指不可不答記嘗與孫佩公語境遇困人賢者不免佩公深感勸其言蓋非獨貧約為困也脫蓬蒿而之顯其困乃彌甚易曰困於金車吝孟子之稱大丈夫者富貴不能淫貧賤不能移足下不移之操吾既見其然矣繼自今當更有以觀足下之處富貴也詩不云乎靡不有初鮮克有終士未有不始終堅持一節而能有立於世者也其祖開春即南返自此歸隱故山與公等蓋日遠矣天寒惟朝夕珍攝不宣

陳伯幾曰名論姚姪節曰義精策亦不測

荅章幼姪書

甲午

幼姪足下諸公在都城慨然外聲利旬有約月有會羣相罄磨性命之理其祖聞而企仰久矣及來京師獲領緒論多所感發此在古人恒事耳得於今為幸得於京師尤幸也出都市數月遘事便至此足可憤慨紹伯不期重聚保陽數相從論學其識趣故過絕人乃復自咎學不得力一試艱難已見甚矣其內克嚴也此非平日講習之明效乎抑其祖區區蓄所疑言之未必當不言於交為

不忠則試言之蓋聞君子之學先辨名實而已苟其名也無之爲而可也不然則自身心以逮家國天下之事何莫非吾事也而其道必講之於素其則必取之聖人之經宋胡安定先生教人以經義治事爲本此善教也必以性命之在內者爲精而鄙外事物爲粗末不知吾性無內外也當世之務士大夫不之講將誰異乎士大夫之志聖賢者不之講雖有講之者又足賴乎即世亦何貴有聖賢也今日任未吾異固非吾事吾忍任異矣有芒若不知所措者何則講之不素也天下之事變殷矣無本者固不能有立然亦未可曰吾本在其他乃遂可不學而能聞少鼎頗專以性體爲教此特懲世之讀書逐名者爾誠勵實矣人能略仿安定先生遺意如水利農田之類人治一端專精而互講之數年之後必有通材達識兼賅本末之士出其間者固尤當世所幸賴也讀書何病焉少鼎季白劍華諸君不及一一奉出此示之冀有以教我承命叙貴族家乘不敢辭謹擬一稿屬味西書以呈上不宣

陳伯嚴向平通切至之語沁人心脾

荅外舅論竣取遭喪乙未

昨張壻喪母其家人傳語將循桐城舊俗遣使來致帛事聞喪禮比未敢自決
承示女未廟見未成婦則無服何帛之可施此誠然也其祖聞長老言道先中
吾鄉間有行者壻家致淺青布二端女則素服終三年良為過禮據曾子問嫁
取遭喪遺弔稱父母明不以女弔也致命之詞曰不得嗣為兄弟不言夫婦未
成乎婦也古者婦服舅姑期安有在室為夫家服三年者乎昨既據禮為答乃
復退命二女孝婉衣飾勿純吉以當心喪張氏為介婦數千里遠歸吉期又已
夙定聞其始病亟恨不一見新婦前時孝婉忽忽不自得通昔不寐空室中若
有聲息晨起音耗適至殆非偶然天親之愛固有未接而其誼已甚篤者思其
生死綢繆之情不可不答其意也古者六禮各有次第後世惟重納采但一傳
庚終身以之歸熙甫之論貞女一禮不備比之為奔不知古今情事懸絕茲其
救也曾子問篇載辱禮既納幣有吉日壻之父母死致命女氏曰某之子有父
母之喪不得嗣為兄弟使某致命女氏許諾而不敢嫁禮也鄭君注曰必致命
者不敢以累年之喪使人失嘉會之時壻免喪女之父母使人請壻弗取而後

嫁之禮也鄭君注曰請請成婚也白經有壻弗取而後嫁之之文說經者不得其義遂有別嫁別取之說解羅整菴氏謂害禮傷教莫此為甚蓋弗取弗許者免喪之初不遽忍送吉故禮辭之其後必再有注復昏禮乃成聖人雖未嘗言可以義推也羅氏之說經固至當不可易乃徐氏乾學言改嫁改取自注疏已然其昶嘗熟復經注知徐氏之誤說也昏禮既納幣有吉日是嫁有期矣以喪致命女氏許諾而不敢嫁禮也此言女氏之不以喪昏為知禮也壻免喪可嫁矣猶必待請而弗取而後嫁之禮也此又言女氏能成其昏為知禮也昏姻之義男下女茲請昏出女氏而無嫌以納幣既已在前又不欲發其事於子耳其曰壻弗取者見子之不急於昏請而辭之一注復也曰而後嫁之者見嫁取之宜及時先王制禮之不敢過是即羅氏所謂再有注復者也至是而昏禮成故曰請請成昏也曷嘗有別嫁別取之說哉然則注所謂不敢者奈何曰不敢云者重之之詞也重其事故不敢不致命非謂懼其失時遂與之絕而使之別嫁也懼其失時何待三年待三年矣又何為別嫁即子又宜能終弗取乎前後

詞旨較然明白若墮奔先命別昏他族無是理也自孔疏誤申注說而經旨遂晦羅氏得其解然以為聖人未嘗言猶未審耳徐氏師曾至謂事理人情皆未安削之可也嗟乎信臆說而輕疑聖經後世學者之陋也不宜惟是即讀古儒者之傳注而函養之其不謬而失其指者幾希矣固論前事及此冀長者更有以教之幸甚

方宗肩大曰有功世教之文陳伯嚴曰衷情寢以釋禮意此及而解講當不易

上于方伯論清賦書

丁酉

入夏來伏惟台候起居萬福承惠寄朱子大全集已到當即勉讀一過期無負高誼竊嘗攷朱子為政首以清經界課農桑蠲賦額為切務經界行之未久漳州進士吳岳訟其擾人詔寢其事其他則皆著明效大驗我公服膺朱子有年矣近者奏核賦額是即所謂清楚經界也孟子謂仁政必自經界始自非忠公體國之大人孰肯出身任此而不知者見有司奉行之不善或注注私憂竊歎引為威德之累其小人則病其厲已妄肆謗言其君子則以謂國勢艱難計無所出而其祖獨深知我公愛民惻怛之心萌於至隱紛紛之論無當也故始議

逐田丈量繼惟查報荒畝二者難易之勢至懸矣大田則賦額可均而其事不能無擾不丈則用力省而又時有不均之患與其擾民無常不均嗚乎此我公憂民惻怛之心慎之又慎不得已而出此也近聞敕縣委員過輕畝之田概令加額不知是否通行之例此事必不可行行之不惟無益且害莫甚焉夫田有肥瘠則畝有輕重其所由來者舊矣當其始必視其田之差等而定為額迨歷年久遠交易割截不無飛灑之弊或此田之畝移入彼田遂有畸輕畸重者此在民田雖有不均之患而於賦額初無損益也何則其輕在此其重固在彼也民間相承既久視為固然亦不甚以為病且肥田輕畝其值必高瘠田重畝其值必賤其為之或輕或重者不自此人始也今於其輕者重之是民以高價而得重畝之田再售必不能償其故值人情於財折其入增其出則怨以謂短賦額乎則額不繫此也以謂不均乎則必取一邑之田而丈之而均之減其重者加其輕者加之可也今既懼擾民而不丈矣則是畝之重者勢難請減獨於輕者議加按之事理豈可謂平閭里之間父子聚博一贏一負兩者之數足相當

也主計者不償其贏而責其負纖悉不遺雖至愚者不能甘今之加取何以異此未有民心不服而可行者縱威力可脅亦本非仁人所忍出也故曰其事必不行救邑缺額之賦數至十萬致舊志其五萬故自道光時已無著蓋濱湖之田今成澤國去年舉人陳澹然上書陳水利為此也餘五萬皆荒畝散入各戶自奉明諭督責其稍自愛有知識者皆已報墾闢尚不及其半而民力已竭今有大族數傳而墮夷者一旦得覩其故籍所載乃欣然欲撫而有之而不知墾產奴僕之他屬久矣是故以十萬畝而覩今墾之數誠少也知其五萬之舊淪於水則今所墾者豈易哉凡屬吏之於上官也奉令承教惟恐不得於意又孰肯為民受過者乎其猶可搜括者上求其一未嘗不思報以十也若求千而報一是無可搜括也民力之竭可知也今至議加輕畝之田此亦情見勢絀之一端矣夫輕畝之田乃千百之一二此千百之一二縱能全加於國計無絲毫之補也而造授胥吏給保以操縱之權輕者可加即有非輕而亦加者矣納賄者獲免報怨者妄計文契不足據世業不足憑山角水涯尺土無讓財力凋

救流亡必甚派捐之害累在一時增額之害累在永世故曰行之不惟無益害
莫甚焉且以清賦始以加賦終非所以昭大信順民心也今天下惟農民至苦
耳士大夫惟務本業者至拙耳聰明才智之士皆不事此朝廷之所注意經營
者亦不在此而獨至於籌國計裕度支剝膚敲髓仍在此至苦至拙之人且夫
國家之賦征之業主業主之租索之佃民賦之額有常也租之額亦有常也佃
民之納租者率豐歲十納七八今賦額必取盈於業主則業主租額亦必取盈
於佃民展轉相取而求其盈於天下之至苦者乃益加苦焉某處賦額缺若
于今報墾若干公所知也開闢之告愁歎之聲怨抑之氣凋瘵無聊之狀公雖
知之而不能盡聞不能盡見也愛惻怛之誠如我公又未可期之人人者也
悲哉民也當我公實為邦伯之時不猶若此復何望乎且公之意在繩奸吏杜
中飽今法行一年其已效者皆其地之可行而不甚病民者也若夫艱難竭蹶
而不能行則不如其速已曠日持久民何以堪昔朱子奏蠲厘子縣稅額至再
至三而後復命又減屬縣無名之賦七百萬減經總制錢四百萬當今之時何

敢望此廣大之施蠲減賦額惟於綜核名實之中稍寓薄歛恤農之意寬一分即民受一分之賜凡此所陳皆我公之夙抱而其袒猶喋喋者蓋既以報賜書之惠又事關鄉邑利害不敢隱情惜己而不言也古之舉大事者糞之自我收之自我伏惟明公旦夕思其所以收之者黍甚黍甚之先生日利害分明論事畢達其兩見古人無以遇

禽金仲遠書

戊辰

昶白仲遠足下僕來貴邑一年所矣時時問邑中賢豪奇士耳目不廣居此如深山絕壑無過而親者久之聞述足下其人其文殆不類世俗談者未能道其所以或訾毀狂生私心獨喜果若是吾庶幾得之今年春令弟來見嘉其英雋繼又獲文賢從父乃十年前友人阮仲勉嘗舉其姓字告我者也歲月久不復記憶一見道故如逢交親喜可言耶頃辱惠書并寄示大箸讀之才氣誠偉嘗以謂古人之文無所用於進取宜世之為之者少為古人之文必其人之性情有與古人類者也其所為足貴在此今足下之文務反古今久定之論以為創

獲文誠創矣無乃性情有受其病者乎或其言猶不免為陳言吾矜其創復實乃古人所吐棄愈少味矣立言者必使吾言世不可無不必其皆古人所未有切於事理雖源於古可也仲吾所獨見而無聞於聖文無裨於世教雖不言可也凡論古事暨當世利弊好作一成不變之語皆未嘯其甘苦者也懸斷古人之陳跡古人往矣吾取而是非之何嘗有毫芒加損論議今事則利害所被尤大言之甚易行之實難事機萬變匪可揣知徒作快語驚流俗耳故區區之意願足下一以純儒之學自處從事經術以廣大其德業足下言欲使後世尚論者稱數廬江人物知其有我廬江一邑不足為足下限也足下又言性嗜古勉從長老所勸事科舉輒不樂將決所從蓋得失之數懸之命矣足下學道有年真感於此焉今天下志古者希矣而之常視為一家故不欲以曼辭相報惟足下幸垂鑒之大文計有副本留此示凌友且不奉納頌白

陳伯顯同作者與人書注尚有過退之此

文亦多心得語

與程抑齋先生書

戊戌

翼其祖聞友人言皖南胡希晦少年從事儒者之學心志之不能忘及與希晦
文叩其淵源所自始知并吾之域猶有先生其人者蓋恨無因緣得見迺者希
晦寄到大集并達盛旨謙謙下問其祖淺學何克任此甚愧甚愧先生之書徵
引浩博不為空言尤致嚴學術之辨竊常以謂詣微者主宋矣能知服漢兼綜
者主漢矣能知服宋皆豪傑之士深造於道不隨俗為趨舍未易得諸耳目
前者今先生學博且精如此為斯道幸甚大抑又聞之學之始利在實其成也利
在虛虛也者所以超萬類而莫滑其靈者也自堯舜之事業鄒魯之道術千古
所震駭而其自睇常廓然不有其一物文之為方也亦然不實則植幹不立不
虛則氣為之累今先生之書誠博矣其辨誠嚴矣然亦有辨之不必辨者以非
大義所存得毋其中猶沾沾有所不捨者乎為姑經攷辨之言失則僣為性命
之言失則朽皆非善言者也實道以己其於言也迫於不得已不僣不朽惟純
氣之守亦虛而已其祖學道無得獨深有嗜於文輒進其幾幾之說惟先生奉
辱教之

姚叔節曰妙義微言
文境乃而類蒙註

復張楚寶觀察書 甲辰

前月外弟方子和來書盛言執事佐尚書周公興學於山左所禮致而為之師者皆一時名流賢士顧謂其粗解文術而遽以校長之任是期其祖誠自揣無以副嘉命又假館貴邑李中丞家今三歲矣堅定後約義無可去比屬子和致辭謝再辱惠書悵悵以宏造育之義相助勉讀之益使人惶愧不敢承蓋今天下之患亟矣嘗妄以謂高爵貴勢通顯之人欲起而弭世變者無他焉要當以興學造人才為至急若士不過者輒曰自全彼其身絕無意於天下可也不能無意於天下則常助上之人養完天下之材以彊國而安身外天下而獨存其身未之有也故大賢君子必以天下為量如其祖者不敢望大賢君子然亦豈不欲存其身於斯世者乎居下處卑人莫之從斯已矣今有大力者挈之提之儼然委以賓師之重而禮先之猶且遜避退讓不承焉者何也其身之不備而能詒人者亦未有也其祖自少所學皆符於空言於世事一不通曉獨好取古人賈高至賸之詣潛思力探不希知於人人亦無過問者以此自識涯分絕

意進取向使其祖前生百數十季當乾嘉世士競古學而投以己之所守猶不
得合況今之變皆前古所未有於斯時也乃欲攘臂自奮與英彥少年相角逐
愈踈濶矣寒者求續於冬而承之以策又何賴焉且以其祖之愚亦知吾國教
學之汰久弊不能長此不革他族所以致盛強之業不能不取以自衛凌苦年
力邁往難兼營耳凡所謂學者教者必其知識有以大相過乃能澹其好爭之
心而生之故今制學子所常學習者不下十餘科假如十科中吾能其一二而
以授之人彼學者從吾受其一而別授九人者受其餘則是教者之所知所能
常處其至少吾精其一而粗通其餘猶之可也吾所精之一乃皆非世之所求
而其所未達者則與彼無以異夫萃數十百英銳鋒起之後生於一堂所抗顏
而師之者或與彼無以異果有以深結之邪抑其心猶有未能平者在邪今之
學堂往往師弟子乖刺不相得無足怪也迺者皖中大吏以教師缺乏亦嘗有
意相屬其祖既遜謝不敏不敢強所不知以取罪辱退而與二三後友詠歌遺
經庶幾存十一於千百以詩道謝大明之日必有聖者出焉綜古今中外而一

之者誠若是則吾之所學雖不同於世用而竭其不肖之心力需之十世百世未必其遂無補也士各有所適時正不必逮吾之生爾而又非矜其能以譽其所不能也其昶於尚書固嘗有賓主之誼其爵齒尊別後絕不敢率爾通問尚書乃時時記憶前歲又過以其昶薦應 特科既未赴試且無一言半辭自致

於前而尚書不斥其疎簡又有今茲之命其昶誠知大臣愛才薦士一出於至公受之者不得引為私恩爭自親媚惟欲少砥名節使後世有述以不負知己今尚書既移督兩江區區素守與其才性所堪任者不恥自明惟執事之垂青覽亦冀尚書之能知而泰不獲罪於終也聞之孺生執事於太史公伯夷孟子荀卿諸傳誦之皆嘗數千過謹錄近所為讀伯夷傳一首獻之左右以禽知愛且誼教焉不宣

陳伯義曰控輿自如姿態雅逸

復皖中紳士書 乙巳

頃辱損書承皖中議設師範學堂冀教育普及甚盛甚盛而願以監督重任屬之下走聞命悚愧竊知所措吾皖貧瘠特甚開牕新機旋於隣域今者得集鉅

賢向非諸公熱心毅力爭於上下何易辦此此吾皖十世之利也時艱至此安
當人人各盡其智能以効於世今諸公能苦艱締造宏茲遠畧其祖獨非皖人
乎敝迫勸駕猶不肯起豈自待之不厚邪其所以逡巡不敢承命者公私約有
數端則付託重而自知之甚審也蓋欲教育後起人材必先造成師範師範之
在今日其勢至迫而其事至為苟簡期以速成故所重尤在普通知識若其祖
所學蟲魚佔畢累世莫殫以施之師範正如莊生所稱迎西江之水以蘇涸轍
將難為計乎此學術之不相入者一也其祖前十餘年間通人緒論即知新學
之並宜講求然此特識解之事於實詣無當也學校管理之術絕未親歷新譯
書籍亦罕探究今誠令其祖得守其愚陋或出所知以誘進時髦不無萬一之
效若竟責以事任決不能逮尋常流輩此閱歷之無素者二也今時所需上之
為宏濟艱鉅之才下之則綜核名實鄙性疎簡家事一不何問賓客到門十常
九謝其里鄙習見之人往往廣坐相過了不憶其姓氏屏居山野所營有限猶
不免廢事時見欺給今乃使之追隨薦紳都試羣士雖強自敵率如素性何此

才質之不宜者三也又年屆五十便已早衰比歲假館合肥地僻事簡猶且不
支明季決意歸休李生苦相挽留人情懷舊遂用固循今不惟成約難悔實自
揣精神氣力無能為役此孱軀之不堪任者四也會垣去家才兩日程耳寒舍
親鄰多失業無次皇皇求援勢必魚鱗襍聚而至應之則安所湔洗不應則怨
歸叢生此又私計之不便者五也凡此所陳皆本諸肝鬲不量而受鮮不貳覆
今諸公將使全皖之士皆得所成就其祖固皖士之一也其必有以善全之幸
矣連日接鄧君繩侯及外弟方子和書亦以鄉里學務相責難衆賢期待之厚
如此而朽鈍之不堪策厲者又如前所陳負慚清談徒自咎耳子和頗涉新學
曾任山東高等學堂之聘後移入幕府以久客切思南歸其學識材力皆遠過
其祖諸公物色所及必多勝選若猶未也如子和者或亦足備甄錄乎去年有
舍張楚寶觀察書謹錄稿呈覽亦聊以明區區素志之所存極願承教不能自
克伏惟諸公曲鑒而赦原之幸甚

上巡撫馮侍郎書戊戌

五月二十八日部民桐城馬其昶謹再拜奉書蒲葢侍郎大公祖節下延者伏讀
明詔博求天下僞逸奇偉之彥無論已仕未仕概得薦達遭時艱難朝廷
皇皇求治如不及頒布新政日駭月異而識者獨推此詔乃實行禁煙今為最
得根本海內喁喁仰望以徵其效中外大臣所推薦類皆一時譽髦有績狀
可指數者而明公上言三人縲以其昶與其列竊自維念其昶少無殊絕之操
粗解文句亦嘗從羣士後求舉屢進而屢躓今年逾五十知能才力無一可効
用於時固自退伏非以此為高節閒居無聊其平素之所業不欲中廢時時有
所述作正所謂符於空言無實用者而亦曠觀當世之變為開剖以來所未有
應之者不得持故常阻道化不進既群天下之才爭新於其際而數百千年先
聖留遺之籍為舉世所不為者亦必有人焉庶績而存保之過不自揣區區有
志於是伏惟明公於其昶無一日之雅曩者嘗從友人孫仲垣章佐村所讀公
詩文手翰私心嚮往久矣後以士民之分不得妄有干乞草野姓氏無緣微知
去年復以縣中學務侃然有所諄論方懼獲戾於下執事乃明公不以為忤俯

賜採納為之改革前今晚近大吏豈易有此昌黎有言身在貧賤為天下所不
知獨見過於大賢乃可貴耳其祖每讀此書未嘗不反覆三數今奉出公門下
而又不獲率爾承命者誠自知明也以謂無其實冒爵祿非所以報知己凡
人才分之宏纖具於天而造成於人過則溢不及則歉量而後入則雖小而
以就其器於世不無助也不然未有不潰敗滅裂者今世變之大若此而其祖
之所能若此強以投之必不合矣無所裨濟於世徒喪失其在己者亦君子樂
育人才者之所不忍為也矧節來書傳道盛惜愧無以仰副萬一輒書其心懷
惟明公奉垂鑒之漸熟伏希為 國自愛不宣

者也行文氣味能步出黎而怡順處乃頗入虛陵

張子開曰背弄時熟潛心與業此正昌黎所謂通古人而通之

抱潤軒文集卷五

桐城馬其祖通伯

送阮仲勉序

丁丑

孝於親若於長機智杜於內冲夷樂豈溢乎色能考無所稱學不逐曹好為學
官弟子數歲不隨人應舉匹夫之庸行俛焉以自勵者之而不稍怪笑之而不
阻阮君其亦賢矣哉阮君曰吾嘗泛涉乎學茫焉無涯吾懼焉吾故退而守吾
拙時舉以告其祖其祖者固所云汎涉焉而莫得津岸又有深媿於阮君者也
嘗謂天地之大鬼神之幽推至一室米鹽之瑣紛然難紀按之皆原於性分備
於一躬將悉萬殊之等冥心以自探膠焉而內固執焉而罕通終無以權度乎
自然之則銖兩而當其分故質之美者不踐跡學不至者無由成於是阮君竄
若思惴若失辭去不來者一年其祖自得交阮君始大悔所學而阮君亦深有
意乎予言一旦移其家挂車山來索言為別挂車山余幼時嘗避亂於其外舅
安福君近弃官隱其中讀書養親有終焉之志今阮君舍其故居而又往也試

誦吾於安福君以質之吳先生曰起矣凡有奇氣者語亦精練不肯一字猶人
是學品教有得者陳伯嚴四句以簡簡不以肯韓為嫌
贈鄭東父序公來

宋儒出而聖人之道明宜學者畢出於此一途然而多歧者蓋學術之弊久矣
秦燒先王之籍微言中絕儒者鑽研遺經畢生或厯通其章句若斯之難也故
其所為說皆純駁互見宋世大儒既興有以默契聖人於千載之上本其所力
踐而心得者推闡以明之於是鄒魯相授之精旨崇朝講之而可畢夫言之愈
明則剽而取之者亦易故漢唐諸儒一二言之當乎聖人非出於體驗之精不
得也生宋賢之後患不行耳曼衍於言而竊其似亦豈難哉淺則入以耳出以
口深則游意於太始之原未嘗即物以求其則幾何不近理而滑真蕩焉而乏
實用乎夫自秦漢以來學術之離合區以別矣然各有其不朽之寶即莫不各
有所得於聖人之道之一端夫聖人固陶冶衆善而其名者也若姁姁然奉一
先生之說專己以自高欲尊聖其迹乃近於自尊欲明道而必盡誣他人之道
吾不知聖人果若是否也由前之說則必至猖狂放恣陽儒而陰釋由後之說

則必至如莊生所譏河伯觀海云者於是聰明材傑之士意有所不厭輒舉宋
儒之黜執乎聖人者鄙之不講而復從事於鑽研破碎之為嗟乎易一弊而一
弊生學術之不振也其不由此與其昶每與友人鄭東父論學及此未嘗不慨
焉深咎予以辛巳冬來京師得交東甫居年餘將歸去東甫告我曰吾子於學
一歸命宋儒又深知前所云二者之失博觀百氏以竟其委不可謂不知所擇
然吾願子益勉之矣其昶曰願子時發誦先儒之訓毋歧出毋阻初志願子瘡
益宏所業毋尺寸自隘兩人則皆敬諾雖然吾兩人者年不穉矣逝而不駐者
歲也躬蹈之而覺其艱者行也繼自今人事日起而會合乃不可期異日相還
則果能既其所言乎書以徵之

陳伯嚴曰名通沖
婉據情化之腸

贈劉揔圉序

癸未

君子之所以傑然而出於人人者豈有他哉自其一身之耳目百體推而至於
倫物無一不納於禮焉而已矣夫禮者聖人導人心之自然而節文於其外劑
輕重酌損益而定為中制者也稍或歉焉則吾心之所旁皇鬱積必有不能自

遂者也。稱或謚焉，則吾禮之所之必有達此而塞彼者矣。是故君子之於行也，未嘗斯須敢違於禮，而君子之於禮也，又未嘗斯須敢任於心。夫豈舍內而求外哉？誠知夫心之為物，固不可使之無所據依也。必諏之聖人之經，而得其意，循之常世之典，而觀其通。然後吾之發於中而著於外者，庶幾無過不及焉爾。吾之志於學有年矣，然而耳目百體之爽，其則倫物之未當其分者，不可勝指也。吾甚自恨。吾之友有阮仲勉者，質甚美，行甚篤，其所以際倫物而範其耳目百體者，過吾遠矣。然未能充其學問，故今尚未有所成。吾又為仲勉恨之。既而來京師，得其可以為師友者，數人焉。孫君佩南、鄭君東父尤厚於予。皆賢而能從事於禮者也。最後得交鹽山劉撫園。若曾余初識撫園，見其衣布衣冠素冠，躬躬而恭，何其有似仲勉之甚也。佩南又嘗稱撫園之孝行。余益有意其為人。久之，始知撫園少孤，己卯秋赴省試，母夫人歿於家。撫園大慟，終喪三年不食肉，飲酒不內寢。與予相見時，喪除矣，猶不忍釋服。蓋至今不食肉，飲酒不內寢者，如故。予與東父皆諫其過禮，輒涕下不可止。人不能終其詞也。嗟乎！風俗之

類薄久矣如撫園者其賢於人豈不遠哉君子不貴有遠人之行而貴得乎大中之制何則先王制禮不敢過也若人子不忍其父母之心豈直三年年百年不能盡也故曰始於事親中於事君終於立身然則撫園誠能立身以終其孝所暨也則即抑情以赴先王之禮其可也予昔者將歸里撫園重惜予去乞言以處之子謂撫園之得於天者厚矣厚於天而求其所以成於人者舍禮之學而奚學哉雖然有歧焉而莫與析有過焉而莫與匡吾未見學之能成也吾友孫佩南鄭東父此兩人者可就而問焉是必有以益予矣抑吾今之歸方將偕二三故人益勵初志以讀書事親稍釋隱微之疚而又懼其力之未能自克也撫園有可以益我者乎

陳伯嚴曰條晰似朱子說理之文

送毛賓君序

丁亥

吾讀棠棣之詩至喪亂既平既安且甯雖有兄弟不如友生以謂人情乖刺失序乃誠有是何詩人狀物之悲切也安居無賢不肖各朝夕暱儕偶不可割捨一旦際倉卒生死呼吸利害錫肌膚匪天屬之親者甯足賴乎然而伐木之求

友聲則曰神之聽之終和且平吾又疑夫世之出肺腑相然許乃至緩急無可
倚者蓋非友也篤其誼足以和神人之聽則其屬摩蓋必且有攸天屬之窮
者矣吾之生鮮兄弟而幸不見弃絕於友吾鄉人暨凡與吾接果墜者皆得師
而友之又嘗一至京師欲陰求天下奇士今吾之歸而索處也久矣豐城毛寶
君孝廉入都道吾邑恣遊乎山川憑弔乎先民之遺烈留兩月不去幸亦辱友
於余告我曰西江有陳伯嚴三立者洞庭之陽有程伯翰頌藩者皆今之才賢
人也更為我言其他高材方聞之彥殆六七人惜乎吾不得與數子者遊處而
君且去也風而如晦雞鳴不已余能無思乎抑余讀周詩曰朋友攸攝攝以威
儀然後乃盍知伐木詩人之所云和平者道在積誠以弭乎中而形諸外至聲
氣之應求與困阨之不相背負又末也吾聞春秋士大夫言志輒賦詩君行矣
請誦詩以為別徐崇舉文曰破北高古似呂勣後幅出以神韻劉柔互用極佳
洗裁經義透切更不許言鄭東父曰中含悲感而意氣俱昂可
謂情深而文明者矣
陳伯嚴曰與寄悠然

送姚絳節序已丑

己丑夏卦節罷試禮部歸里主余家者一月且行索言為別余不親先聖墳籍
廢業者久矣無以應及秋其兩兄亦來臨居結轡無可與語親故人至則喜莊
生所謂聞足音跫然者也仲實時時引與談易深夜思卦節乃遠在千里往者
歲月寬闊吾鄉三數人聚處皆年少可掬一語讀今余更憂患又各有衣食奔
走之累求如曩時讀書殆不可得時一展卷則悠然會心然後知易之書於人
事為甚切至也而卦節近方治詩貽書求田間錢先生詩學嗟乎先生不得已
而著書見志莊以繼易屈以繼詩蓋其雖憂愁鬱有感於身世之際微矣其論
詩謂與尚書春秋相表裏且必考之三禮徵諸三傳稽之五雅何其論博而篤
也余謂治經者貴晰粗以御精易之辭寓諸實而其用也虛其取象無端膠之
則一隅會通之則足以周天下之故惟詩也亦然叔節才敏而學詩詩之與易
果有可通焉者乎吾願同其兄以訊之

吳先生曰溫深經術之文陳伯服曰技言微中意象超羣

送教習早川東明君還日本序

吾讀史記鄒衍言儒者所序中國九州不得為州數是名赤縣神州赤縣神州

外自有九州有裨海環之人民禽獸莫能相通如一區中者乃為一州如此者
九有大瀛海環其外當時見謂閭大不經由今觀之衍之言約耳曩所云人民
禽獸莫能相通者今梯航相接如庋戶衍之言固可自驗而足蹈據吾之所處
而以意上下四方之無窮浩乎渺乎莫知所紀極莊周辟言太倉之梯米誠我
其梯米也雖然彼二子者烏從知之吾以謂心之為用至纖而善入不待頃而
蟠際乎天地凡質力判合邇邇細大有形無形皆可以吾之心逆而矩之意而
得之無足怪者夫此不可紀極之世宙民物生息代嬗於終古其種族之能自
存立者莫不各有其政有其教儒之教起中國而稍被及日本日本之於中國
猶一區也自儒外以教名者至多不可勝數其地之所被有廣有狹國之所託
有強有孱教各有其宗主而一教之中又各別為支支之別爭之所興也教與
教爭教且與政爭甚者乃挾其國力以輔行其教而兵禍隨之原教之所起莫
不欲以善導誘天下及其弊也以殺戮禍天下中國之盛在唐虞三代當是時
政教合風俗隆洎周衰孔子生不得操國政授之遊者三千人與聞性道者七

十故教莫成焉然而政教之分遂自是始且夫孔子之所以教者有末有本其
德知仁勇其術禮樂射御書數其倫君臣父子兄弟夫婦朋友其本在脩身其
功之序則始於格物致知而終以備家國天下之用其言易行其行易效其所
被之地不必廣所託之國不必強然而其可以為廣且強者不誣也不行之於
今必行之於後世秦并天下獨尊視儒不旋踵而亡其後累代相承主中國之
君大抵皆名尊孔子而實不能本之身以措之家國天下故其效亦可觀其時
之小康小治必其於孔子之言有合焉者也合則治遠則亂遠合半則治亂參
夫豈獨中國然哉極之瀛海大九州絕索殊鄰之域吾知其無以異也夫孔子
之教易行行易效然往往曠千百年不行行矣而莫或大著其效者何也躬其
道者無其政棟其政者虧其道是以寢衰寢微以至於今而吾國之孱弱矣病
在政與教分務虛崇孔子而不實行其言故也秦而諸國自古不與中國通其
威強乃尤在近今之世挾其機輪大器以睥睨區寓彼其所為天算格致創物
之學雖孔子復生吾又知其必有取也而吾孔子精微廣大之蘊秦而諸國既

書文不同無能驟喻又痛並輕吾國勢之屢疑儒不足持世變嗚乎生民之禍其何所終極乎抑其推而行之者固猶有所待乎日本之於諸國最前識矣儒之盛也時儒泰西霸則取資泰西常明治維新之初群一國皆驚而學今其教育家言曰國粹不可失也輸入異己者之文明以自益即吾國有之文明胡可棄耶善哉言乎茲吾國之所以坐蔽而兩失者也迺者 朝論稍寤其然 詔

天下郡縣設學堂於是吳先生使日本攻學制聘早川君為吾邑教師而過舉其祖授中學其祖謝不敏去今一年矣竊聞早川君之所以教不鄙夷儒異於世所云云者惜吳先生之遽逝而不及觀學之成也夫陰陽氣化之不能不窮易曰窮則變變則通通則久今天下生民之禍亟矣其亦窮變通久之時也締邦交固唇齒以競存其種族未足幸也意吾聖人之教其益將推而廣被矣乎早川君歲暮假歸諸生之在學者相與贈者各賦詩祖其行祝其來速而慰其思而君頗慷慨致聲索余言為別誼有足感人心者固為是說以贈並以示吾

鄉人使知所警焉

洪伯嚴曰氣類易博張子開曰卓然立論固當在轉原通融本論外自成大家

方柏堂先生七十壽序

丁亥

光緒十有三年十月上旬吾師柏堂方先生壽登七十於是先生繼配蘇宜人年六十有一前一歲宗姻舊戚踵庭稱觴為祝賢士大夫齒朝列者諸方聞者後進之睎學者各為歌詩綴文以致頌禱其門下士焉其祖曰壽序於古無有昔衛武公老而進德為抑戒之詩使人誦以自敎若造侈述其所能貢諛詞長溫志非君子義所當出今先生志道不倦有武公之風又深達於文律則吾師所以致敬先生者要當在此不得在彼乃獨謝不為既踰年聞先生疾其祖修候倫琳常季兄弟出所為壽言鈔冊視予且曰子其可無言其祖曰敬諾蓋先生少時家貧也非課讀不足以營生非博謀旁諮不足以自成其學初歲束脩所入僅十餘千耳約其身以至妻子賓客酬酢之資無所不設其虛度其中以從常代鉅人長德下至一言一行之善無所不接其誠降火達於四郊飢餓經歲居民無人色而先生獨於是時攷覽事變析究理道發憤著書成數百十卷既而出贊幕府以薦授官治化大流名譽益聞而先生瘡益以其暇著書

又數百十卷今雖甚病猶日手一編神明不亂少而幼學至老而彌勤周公之
 訓无逸也推之勤則壽考逸則夭亡戶樞不朽流水不腐勤之謂也先生之不
 自暇逸如此則其躬壽者享遐福固然無疑夫人當年歲衰暮志移情換他無
 所幾幸則往往有後嗣之虞自賢達之士皆不免此今倫姊常季趾美競譽諸
 孫蔚然秀立見者群推其門祚之將大古之膺盛名而能賢子孫者要難數以
 此為先生壽雖然倫姊兄弟今所處境視先生少時之遇蓋不侔矣歷百艱無
 資藉且卒能自奮於學成名天下況其進於此乎學問之無終極與析薪負荷
 之匪易倫姊兄弟其知之也不以知之而不言而必稱述艱危用相勉勉則朋
 好之情也至若先生道德之崇政事文章之懿美福祉之繁多他人競能言者
 乃皆不之及區區致敬之心恆不渝其初諒亦先生所深許故因倫姊之請而
 附陳末義如此世有知道能文之君子庶幾其無誤焉

曰辭美
 並好

初坐會議實源局匠滋事罪議輕失政體發盛京効力旋賞給主事曹文正
振鏞奏留工部掇補負外郎復坐主辦太廟工程薦郎中納爾經額料工同
部謀計工不實內務府核算無失納爾經額得不坐而公遠成未幾釋歸歷主
白鹿緹山廬陽書院講席咸豐初粵賊陷桐城死之事聞贈道衍龍雲騎尉
世職建專祠初公之家居也老矣常未明起孫曾疊疊睡內寢正熟獨挾一冊
炳燭出就廳事嘔吟賊至二子起圍練奉公避居山中賊入山衆驚走公方據
案讀書賊以刀脅之降叱曰吾豈降賊者耶賊怒呵誰何曰吾大清罪職工部
員外郎馬某而降賊耶吾且命子殺賊賊益怒刺之火其髮而擁之行遂遇害
血漬案上書冊痕斑然春秋七十有七公為人故博碩鞠躬退讓長者及臨大
節不屈若此居閒喜為詩詩近萬篇矻矻著書不倦嘗謂詩自齊魯韓亡獨毛
鄭最古鄭君注詩宗毛為主其改讀非盡易傳而正義或誤為毛鄭異義鄭君
先從張恭祖受韓詩其異訓多本韓說而正義又或誤合傳箋為一毛詩用古
文經字多假借而正義或未達於是撰毛詩傳箋通釋三十二卷同時長洲陳

氏每著詩毛氏傳疏亦為顯門之學故世之治毛詩者多推此兩家之書其在
桐城有張聰咸阮林徐璈六襄學業差近皆與公善然皆早世公既殉寇難子
孝廉方正優貢生三俊以起義兵死其子復震遂與平寇之役授陽江鎮總
兵得褒贈三代公配方太夫人凡生三子建勳星曙三俊孫十五人曾孫二
十三人以光緒二十一年冬合葬懷甯路官冲保江家山之原公於其祖大父
行也竊嘗誦習公書而要其終始以謂一代學術與時勢相消息者也窮則變
變則通一二智者起矯前世之窮而倡其端千萬人緒汙而推大之吾日轉乎
其中夫孰能不汲然而應百變屹乎不可移者君子自立之道也公之治經篤
守家法義據堅通人以此為公之錡力於經者深乎烏虜自知道者觀之彼其
邁危難較然不欺其志意是乃所為深於經者也然則向所云文章風節之異
尚亦舉其盛美之積重者區之夫豈有異哉因頗推論吾邑儒學承傳之緒表
於茲阡俾過者知所矜式而後世尚論徵文獻者亦得以考覽焉至其世次子
姓名爵備詳傳誌者不臚列云

吳先生曰此篇開合欽推忠中經要陳
伯嚴曰次論一出於抑揚張琅可誦

肥封奉直大夫張府君墓碣銘 戊戌

府君張氏諱鵬翮字梧岡其上世籍湖北雍正初有挾藝游四川江油者貧不
歸遂為江油人再傳而蕃君其次孫也有心計精曉人術援例為國子監典籍
以父老不就選躬勸農殖家日裕饒性喜相馬能一望別其凡駿乎亂起或招
致軍幕慨然曰天下擾擾吾其扞桑梓未幾而藍大順難作乃建議練鄉兵助
城守邑人某督國政擁衆屯所居宅君爭不能得拂衣去隱縣北觀露山未幾
城東陷及賊平君既懷奇無所施務推行仁惠中江楊某落招踵門舉數百金
再立其家其子竟入武庫儕於冠帶鄰里屋火伐木助構餽穀與財如己在厄
嘗創立文社同里輸穀才十石君慕嚮儒術一以自詭勾校贏絀子母相權積
三十載百倍其始輸於是置田八十畝廓起廊舍里豪睨其營不得則攝之吏
吏與為助坐把持公穀罰二千錢充振蕞郡庠人咸寃之君謝曰二者微此
松吾固常輸終不以人之齟我愠見色辭又瘡益出財增梁栢蹈義彌堅不自
摧沮光緒十六年年七十五卒葬東山先塋側娶安宜人無出納黃氏生子恩

培復繼娶夏宜人生三子璠志懿志遜女子子六皆適士族孫五人大懿大章
大輅大鏞大時十一年以選子琴選翰林院庶吉士貤封奉直大夫琴宰廬江
璠隨到官一年歸婦先暴睚眦幽寡竄焉傷心既來以狀授其祖乞銘乃揭其
行於墓道俾觀者興厲而綴以辭曰

匪彼齟之吾罪宜之吾罪宜之匪荼維飴烏乎是誠鉅人長德之事今之人不
能此我銘以徵其後祉

皇贈中議大夫道員候補知府陳君墓表

戊戌

君陳氏諱紫舉字遐撫一字序賓其先五代時自祁門遷石埭之長林傳世至
常明永興中以拔貢生官戶部員外郎再傳至弼山東黃縣知縣於君為十二
世祖祖楚寶考鶴齡皆以君貴 贈中議大夫祖妣蘇妣桂皆 贈妣人自始
遷至君凡三十六世當咸豐初天下兵起傾帑不足以濟師乃奏權商稅曾文
正公尤名能知人羣策輻輳凡所器使皆遵簡士人不假官吏用是公私充衍
軍無乏興卒夷大難而石埭陳虎臣先生故公所禮士時時就詢軼材羣彥為

達惟恐不及於是江右鹽梟獍得文正用虎臣先生言以君主建昌鹽榷痛刮
腥臊洗手奉職月徵倍經逾月再倍又逾月十倍君乃上言建昌故有貨局可
裁併鹽局節糜費文正沒之時福建大猾連賊抗徵大吏以五百人屬君往君
不可曰汝損威耳他往者卒遇害文正嘉君善持重改榷萍鄉會亂軍失津肆
劫掠忌者中以免汰禍不測今相國李公督兩江曰是不當以廉能著耶卒白
之柄用並親問君為文乎吾且為子定之君唯唯或謂公言然子曷委執君
義執不可李公聞之愈陰重君明年督師討擒以君主行營支應人曰全軍轉
餉利害繫天下往時至 命大臣督理今以諸生任耶李公卒用不疑於是歷
官山東河南山西湖北陝西直隸一以君隨而君亦無所不竭其心與力之所
能際尤重慎災振輟餐糈寢條覈勤摯先是累功保直隸州知州河南補用知
府光緒八年引 見改直隸十年夏六月卒年五十九李公腹纂舊勞以 聞
贈道員廕一子以州判注選給卹賞銀五十兩入祀直隸湖北蘇州淮軍昭
忠祠自洪冠之興用兵十餘年廩財數十百鉅萬寓內駭然單竭然主計者無

不人人饜足民氣因以大耗其後又益通互市籌海防造製輿舟兵械火器煩費益漫不可訾省君自始出即主軍儲挈持大綱杜塞罅漏遐輸近委急緩應期所以節審為公家計者無纖弗燭軍中以故固敢誦言相冒至乃規畫長遠則必陳大體不靳小費有建議李公請改商兌省轉餉君曰商賈行逐利奸弊不可勝詰且波利輪艘設一旦海疆多故懸命他族察眉睫而昧邱山非計也李公亟罷其議君家故貧窶前後主財利二十年清介為時所推同輩多致大位君在事久有成勞卒不得一常以竟其施豈非命哉君子出匡世難終不以群天下所苦吾為利焉然則觀君平生進取之途恬然如不自克彼其意量夫豈易測者歟配沈湮人能與君合德後一年卒男六人長惟喬早世惟彥候補知府貴州開州知州惟庠庠生陝西補用府經歷嗣從父黷銓惟壬庠生廬州判以知縣用惟真惟奎孫男七人以某年月日葬於某所惟彥具狀請刻墓石乃詳其世系名爵子姪亦頗附論時事頗委以諭來者虎臣先生名父君少從其遊與聞進修之要又通古方術治疾輒奇驗及他懿行多可稱然皆非君之

大故不甫

陳伯嚴曰茂和而氣道疏密

贈內閣學士山東登萊青兵備道劉公墓碑

庚子

劉公諱舍芳字毓林池州貴池人也曾祖駕夫祖北父考構達世種德各以子孫貴顯贈如其官公少孤從從父兄瑞夢受學同治初今相國合肥李公始授師上海公兄弟實從其後瑞芬以諸生積勲伐至廣東巡撫而公終始依李公初隨征蘇常湖州輸轉軍械設局太倉無錫北征捻逆移局清江蔣壩張秋濟南叙功至道員加二品銜李公督直隸兼北洋大臣而公遂治軍械天津光緒九年統魚雷營屯旅順嘗一擲津海關道數月自請還屯十七年授甘肅安肅道李公奏留旅順十八年補山東登萊青道逾年乃到官自海禁開泰西諸國以強武相尚器械日新不竊李公初資外國大器平寇亂整練固管北洋乃盡革項用西國軍制而是言兵事者尤以購器械為急公識性明達於事無所不諳練入主軍械久攷別良措竊覽冥會曲得理解每一新械出外國始文輟輟公對客稱譽應聲而得議建武庫於西沽廣收博儲以肆將士並增厥造于

彈不假外購倭越之役竟以濟師李公既興立海軍集礮臺設船塢備銀艦通
電錢置魚雷關醫院起學堂進士多由公本謀於是威海旅順大連灣三口屹
為北海雄鎮工役浩穰一領於公又兼海軍及綠海水陸營務處調護諸將統
輯華夷專一趙公不顧狗彘俗俯仰人初或不便久乃大服終李公之在直隸
倚公治辦若左右手留天津十四年屯旅順十一年後雖之任山左猶隸於北
洋北洋軍器精防守完堅冠諸行省及甲午倭韓之難作李公不得志內召而
公亦進去位當東事初起李公持慎不肯開兵端結禍強鄰朝議大譁日夜責
問戰狀事益不可為威海旅順相繼失敵據甯海州城前鋒距煙臺道署十三
里時山東巡撫俞駐師煙臺西國諸領事以巡撫在則倭攻之急於租地不便
巡撫還萊州領事復言公公曰巡撫大臣可去某守土吏去何之今克此矣因
置鴿兩盃與夫人郝氏曰服公服坐詩意氣堅定民恃公不恐有潰卒數千撫
兵易謀求食勢將聞公疾馳至倚欵手聽約束厚給遣散破數萬金盡取之囊
橐西國民尚在租地者聞濟卒至咸戒備既去數日乃覺則大驚服相謂曰使

中國主兵皆鄧世昌守土皆劉公若者即何憂倭乎鄧世昌者起水師學堂領
致遠鐵甲以偏師拒倭戰死大東溝人謂其才足當海軍大將者也威海旅順
既淪陷而煙臺孤懸獨完和議成大臣奏遣公渡海勘收口卒還地始威旅大
連濟皆荒島公瘁心力營撫十餘年成嶮塞鉅京畿門戶至是皆煨燼因憤慨
流涕未幾以疾自劾歸歸數年卒李公謀國誠宏遠有大略其所賞識拔而躋
之顯列者亦誠多才傑然而如公等比者乃人尤謂其能不負李公云悼持世
之乏才懼國論之不審懲前失將不為後圖國何以自立此有心者於公之喪
不能不深矜愴慨而致私憂於無極者也公以光緒二十四年四月二十八日
卒年五十八 詔贈內閣學士廕一子知縣事疏付史館立傳子三人世珍世
瓊世璵長女適候補道建德周學熙次適內閣中書太倉顧思義幼未字以是
年冬十一月乙丑葬於青陽縣檀梓湖側公娶俞夫人早逝再娶郝夫人能承
助公賢疎戚詠仰後公一年卒遺室黃氏李氏其葬也兩夫人皆附既葬學熙
以狀授其祖請銘其墓道之碑維公義使天稟篤於故舊修池州孔子廟又平

九華山徑告歸三年不自逸其卒以料簡義田卒於村舍然公之所勤於國者大矣夫者嫌於既成則雖立於身造於有家必非賢者愉快事也嗚乎悲夫今不書以達公志遂為銘銘曰

天陰大鎮有驕窳堂巧勇關迫儒則為冠孰持世變黜閑閑鑿彼情不知方厲其愕公位成功公肩其艱雖艱厥成棄等一管厲生有階公曰予恥憤不居位福此閭里人所矜有在公則餘我銘以質來者式諸

公蕭敬字文曰叙汝雍客有與有則此為碑板上乘陳伯嚴曰遺雅

翟孺人墓表 辛丑

光緒廿六年冬無為州康膳生丁葆光葬其母翟孺人巢縣南鄉小園山祖兆先事為書抵其昶曰先妣所行皆常德無殊異而際阮艱之年其處舅姑婦如之間與所以相大人訓後人者宜亦有一二不可遽致大人欲傳我以文顧難其作者今大葬有期惟吾子辱賜之銘用哀覆不肖抑大人實有厚感焉其昶謝不敏再逾歲不果為則其請益堅蓋孺人姓翟氏巢縣人父曰漸遠縣學生

幼為童養婦於丁氏夫曰秋帆逾二十餘年始生子葆光光緒廿四年年六十
三卒二女適為適錢孺人性靜處門悻安處姑如不言嘿不先發及有勝役幼
躬捷往不以他語咸豐初東南被寇翁父子皆為賊得孺人奉姑能太孺人避
竄山谷賊去則出傭里婦採拾為生天寒膚凍皸瘃血漬衣牢初不冷太孺人
有所覺知逮夫翁先後脫歸歲比惡日靡糠糲而二親及夫未嘗不飽夫勤治
經家事一不何問熙熙若忘其在亂焉姑偶墮砌傷額逾時不平孺人目教諸
女史番在側而已獨夜侍吻不張氣衣不弛結終宵警惕先旦而興葆光既娶
乘閒啟母稍節勞則曰我慣山汝婦生富盛或不習邪子婦聞戒爭趨操作
敢後家世習醫病者集門孺人則度其貧瘠道遠來者飲食之且資之藥劑有
以緩急告者不計留遺聞言響答葆光嘗痛母喜施已無能發名成業稱其志
意既娶婦生子而殤使母篤老之年無含飴之歡而遽卒也天下之傷心莫過
於人人之所恆有而已乃不能致於吾親嗟乎其祖之痛與葆光同如之何其
能銘也今葆既後期不及事而葆光能以禮請詞稱其父不敢不答輒次其行

俾揭諸墓上

陳伯鳳曰尋常
始乃何深至

姚開伯墓表

丙午

君名永楷字開伯桐城姚氏當國初刑部尚書端恪公有名臣之烈其後蓋
爲編修暨其從子姬傳先生爲世儒宗編修曾孫石父先生又有文章政事名
於君爲大父考諱濬昌湖北竹山今姚氏連世有開竹山君又詩人也君承嬾
前休思欲有立日夜苦厲於學體羸多疾顧往往絀於力之所能觀於是君弟
永樸永概繼起才業通敏姚氏累第舉陞駸駸聞遠邇矣永樸年少領解首所
至傾其坐人君愿謹寡笑言造次莫能自達遜愛諸弟有行必謬爲文必取正
愧謝弗逮其屈己非獨於其弟然也凡見儕偶若後生文字一語一韻之工退
必手錄而牢記之其自爲詩絕清樸無世俗氣甚至父先生以謂讀其詩慨慨
乎性情禮洽人也君恥藉先業不自食力平居故不能無望於鄉舉歲甲午侍
竹山君天津差次將就試京兆會日本繫起乃躬挈庶母及緝弟南歸或曰不
即今試當復三年邪世事則誰其知者唯竹山君意亦難之君還去不顧是歲

永懷復舉而君竟以諸生終後二年余授經就中君亦客揚州以疾返過皖訪余布政使署齋坐後園亭上望江湖渺然相與吟楚騷哀人生之長勤余謂君幸歸休矣君歔歔怯寒灑漸默不一語移時而別逾年遂卒年卅有八光緒廿三年某月日也娶方氏子二人佐姪佐莫皆有息才留海上學習西國文字勤業不遑世駕群以為難君卒之幾年鼻龍眠山麓其子嘗請銘未具狀余不時作今年其兩弟來請益堅余於君為姊夫知君深固不特狀憶使君而無死且挾其所有以遊斯世其操術常益窮然而學固有可與時變易者其不可變易者無古今中外一爾姚氏以儒術質行世其家今吾邑言新學亦自姚氏余述君行一二鏡之墓上豈第欲其子姓之無忘亦使吾邑人知先輩之所被服漸漬而成其門風者非一日之積被德士趨之橫流則夫本身以施教於有家者其可忽乎哉

贈太子太保兵部尚書銜福建臺灣巡撫一等男爵劉壯肅公神道碑銘 兩午
公姓劉氏諱銘傳字省三合肥人曾祖某祖廷忠考惠世業農後皆以公貴贈

如公官爵公生而英特有偉抱嘗登所居大澤山歎曰生不爵死不謚非夫也
會天下亂淮淝居民爭築堡寨自衛各相長雄一日有大豪呼公考至馬前貢
供給不時至訶罵而去公憤甚躡豪行數里奪其佩刀殺之乘馬徐歸於時率
十有八矣同治元年合肥李公以曾文正公奏薦巡撫江蘇募淮勇東征公以
十總從所將卒號銘軍連擊破川沙奉賢福山解常昭圍合水斬奔揚合汛要
隘苦戰六日乘勝下江陰取無錫進攻常州奇兵出奔牛鎮降其酋相鋒直前
寇復犯奔牛還軍卻之再攻圍常州先登生獲寇酋陳坤書常州平積功至提
督賞黃馬褂而程忠烈已前定蘇州遂越境應浙軍攻嘉興克之至是公平
常州亦出屯句容以應江甯圍軍於是湘軍拔江甯殄洪寇積苦久遂皆散遣
羣拾遺縱橫齊豫吳楚之郊曾公受命督師湘軍將既已罷歸乃蓋募淮勇收
四鎮重兵公屯軍周家口戰捷於瓦店於南頓於扶溝詔授直隸提督仍率
師援鄂克黃陂追賊至潁州大破之公以中原平曠地賊四走疲我乃建議築
隄扼沙河為守賊潰突汴梁隄追剿之於鉅野擒首張總惡竄陝西任柱賴汝

洮竄山東自是有東捻而捻之目李公代曾公督師公率所部自鄧城至京山
東西數十戰賊皆披靡望風遁由是東至新陂西至安陸襄棗北至南陽鄧銘
軍常為道鋒復議防運河扼膠萊築長牆北起夏店南抵柳林口遏賊騎西六
年引兵南救沭陽追北至諸城日照還陞任柱於贛榆賴沅洮圖竄青濟間道
馳澠西北擊破之蹙之海濱殲其眾河流盡赤沅洮自投揚州防軍以死東捻
平論功最給三等輕車都尉乞假歸七年而捻張總愚由陝竄河朔幾輔大震
詔責諸將率公卧疾在家坐運留奪官李公假朝命強起之會師進擊鹽
山滄州德平李公仍議築牆臨邑屬之馬頰河墻成值大而造駭河威漲賊不
得渡張總愚赴水死而捻平晉一等男爵詔駐師張秋資鎮守旋命督軍陝
西剿北山回匪引疾歸論者謂李公江蘇之功推程忠烈平捻功公為大忠烈
攻嘉興連戰死而公初起將五百人稍增至七千討捻益騎兵合萬二千西防
陝增多至二萬連後臺灣之役以異數改巡撫位望乃益崇矣自程忠烈始議
外國械器利其戰江蘇悉改用新械淮軍竟以此勝而公尤以鐵道實自強要

圖其關於兵事利害為重光緒六年與俄羅斯爭伊犁約應 詔至都即上言
鐵道便利數大端李公因奏公主辦鐵路不行十年法蘭西援海疆再起公以
巡撫銜督臺灣軍務至七日基隆破臺毀公以臺灣無兵艦不利海戰移軍基
隆山後建礮臺且誘敵登陸尋擊斃法酋二兵百餘奪二燧他兵械數十有
詔褒其添兵以偏師結基隆軍別遣五艦犯滬尾滬尾者基隆後路也距臺北
府三十里軍資餽械皆聚臺北公夜退師駐淡水崎角滬尾謗譟流聞取斷於
中不暇時議敵益增艦來攻是時馬江已挫上海用三輪船濟師皆遏不達諸
將冒風而跣足精戰堅守八閱月 詔授福建巡撫明年倭寇朝議臺灣阻海
峙南洋門戶常設立行省自治乃改公臺灣巡撫奏增一府一廳三縣生番窟
宅臺南北七百餘里奔狂叫吼風氣洶闊構虛斧頑釐其馴雅一皆化熟不以
異類自疑念兵制久敝不饒給財用無能革新於是清丈田畝賦收倍經額而
諸所創上田茶鹽金煤林木樟腦之稅亦充羨府庫始至歲入金七十萬其後
至三百萬因益築礮臺購火器設軍械局水雷局水雷學堂要以興造鐵道為

經紐輔之以電綫郵政功費大萬百餘公思以一島基國富強迹所已效威名
樹立如其初志累加太子少保兵部尚書銜又特命襄辦海軍事務常登滬尾
砲臺東望日本報敵感發曰即今不圖我為被虜矣已而戶部奏請天下十季
內毋增置艦砲復謂曰人方慕我我願欲構組折之乎遂三疏求去臺灣之立
行省自公始公治臺灣凡七年而歸歸四年而朝鮮難作屢召不出遂以疾終
於家春秋六十是年臺灣割隸日本遠疏入 天子軫悼贈太子太保謚壯肅
建專祠史館立傳長子威芬直隸候補道前卒官其長孫朝仰三子威芬皆員
外郎朝仰承襲男爵次子威芸賜舉人龍三等輕車都尉四子威芬舉人候選
知府女四人皆適望族配程氏夫人側室有出者曰項氏陳氏絕粒以殉得旌
者曰二李氏公以某年月日昇某鄉某原其諸孫朝望舉人刑部郎中致公所
為大潛山房詩二卷並致狀曰先公墓碑未刻敢請銘乃銘公所箸別有奏議
二十四卷藏於家辭曰

公專閭寄方壯其盛金節凋戈謫浪書史壑居在壑公驪無止 皇懷外証詔

述公起公來詛駭彼驕亦駭智銜勇創古未有漲天大澤納於一泓公胡遽
歸公歸不諱疆場成壞彼此一時悲膺雄志雖死而視焯功饒詞萬古是記

嚴曰叔列姻
慈斷哉文莫

贈光祿大夫甘肅甘涼道李公墓碑

丙午

公姓李氏諱鶴章字季荃合肥人常同治初李文忠公以淮勇戰江蘇於時佐
治軍而躬戰以成其績者公也考刑部郎中諱文安有子六人公次三少英朗
刻厲嚮學年二十六始補縣學生員再試再不利時仲兄文忠公已第進士在
翰林有聲矣公自期待不復於諸兄既連不得志有司輒弃去益究心經世之
學會廣西寇起江淮倣援因部勒丁壯為鄉團自捍衛奸民覓金堂期會為變
乘夜出不意斬之其黨立潰刑部奉命治鄉兵將數百人後刑部毀疏出隨
官軍拒寇屢戰有績廬州再陷走定遠上書巡撫陳兵事累薦言巡撫不能用
馳去展轉江浙間無所就曾文正公一見激賞稱為將才因隨曾軍攻安慶時
伯兄勤恪公備兵贛南復隨往領贛勇四千助防剿曾公之精兩江也議規復

蘇常主藩淮民替湘勇既上海來乞師遂薦文忠以道員報巡撫貸外國輪船
載師而東別撥公將騎五百增募千人繞淮揚裏下河至上海會師常是時淮
勇新集公入贊軍謀出護諸將雖曾公亦以教練新軍之責重屬公矣寇圍虹
橋屯大雨文忠期旦日往援公謂天雨寇懈宜乘銳急擊勿失從其議破之上
海軍自此振遂進攻青浦分軍還救北新涇屯拔嘉定擊援寇回江口大敗之
功為多文忠推先他將奏言臣弟不敢關功 天子稱其功與程學啟埒命一
體議將自初起及叙安慶功已前得知縣 特詔加四品銜以知州用常熟寇
反正蔡元隆亦據太倉降公車騎至城下伏發中槍傷股後七日會軍復其城
於是程忠烈克崑山遂與公各率萬人為統將忠烈攻蘇州公則趨江陰無錫
以取常州寇自顧山蹙屯穀十里伏兵河側燬其礮舟盡奪其屯城寇懼謀內
應遂旋江陰加三品銜知府移屯備無錫悍賊李秀成突犯大橋角大橋角蘇
州西北要隘也寇爭之急公馳救捷大破之乘勝薄其城而程忠烈已定蘇州
軍並奮進克無錫虜其首捷聞以道員記名 詔曰李某隨其兄在軍戰甚偉

今廷錄撫臣引嫌務推功故賞不答勞尅日平常州江寧其建議諸將率功賞無有所遺由是益感激思自效引軍冒雷趨常州急平附郭寇壘下孟河解奔牛圍屢擊退援寇寇西南窺前所視縣用牽我師因還守無錫遣軍分援別縣皆破走之常州外援絕再進攻明年常州平 賞黃馬褂已而湘軍遂拔江寧大功成乞假歸矣 詔授甘肅甘涼道疾發未行會曾公督師討捻為奏請開缺留軍總理營務授至清江告歸遂不出竟以道負終焉後文忠孫宰相封爵同時勃恪亦用州縣平進開府兄弟旌節相望而淮軍諸將起偏裨膺疆寄尤顯者復十許人大抵皆公舊部而公顧落落論者謂古今功名之際江祜有遺憾焉至於公若或顯之又若或靳之尤不能不太息其器業之未究而有觀於其後以觀天道之大恒也公既歸自號浮樵山人亦時出遊都會稍營商業致巨萬喜義俠立然諾多弃財為之助山西振加二品銜光緒六年卒五十六卒大臣上言績狀請付史館立傳并立祠原籍暨建功處 報可後以子經義貴贈光祿大夫廣西巡撫初公投効率才踰四十及巡撫君以優貢生至今官

亦才踰四十人皆曰是公之餉遺也前夫人李氏早卒後夫人周氏側室石氏
子三人長天鉞按察使銜江蘇道次經義次經韻記名道女二人適張適沈孫
六人國蘇國松國錫國衛國芬國芝松錫皆舉人選余學以公前葬二十季墓
道碑不具松具狀致其父巡撫君命來請銘墓在合肥東南許貴村銘曰
惟公之先實本自許承李而興大恢厥緒刑部賈志教子即我淮濡勦旅聲殫
中夏暨暨我公樹績自躬勝成不有校古疇雙范蠡遠越彼海江以商經國
今見於治公之英略百靈一試鄙儒小物曷不是思

清故建威將軍記名提督直隸通永鎮總兵吳君墓碑

丁未

君諱宏洛字瑞生合肥劉氏父士發從軍死寇難子雲騎尉世職長子克仁
至記名提督經武毅君其仲也以父命出承舅後遂姓吳氏自安慶廬州陷寇
合肥張公樹聲劉公銘傳等並以材武雄長鄉里李文忠公既治兵上海諸公
同時應募各以所號為軍後皆至大位惟軍由此與君與兄武毅初隸張公為
樹軍裨將最戰後攻江陰無錫下之克宜與荆溪敗援寇三河口從攻常州手

然臣啟壞裂城垣先登復隨軍入浙助克湖州同治五年率廿二累功以總兵
記名 賞花翎粵寇平於是擒患並並樹軍駐防徐淮張公補徐淮道既赴官
其弟勇烈公樹珊統軍事督師曾文正公益增樹軍卒移屯周口坐勇烈戰歿
失援救降副將樹軍無帥李公既代文正督師乃分樹軍六營屬銘軍銘軍者
劉公銘傳軍號也自是平擒之後銘軍收其全功君最推銘軍號將六年四月
擊敗擒黃安紫坪鋪追至郟城汝陽間大戰擒走洲壁松樹山拔擒廣集負阜
山而陳君繞山後鼓而入擒驚潰竄諸城日照遂至贛榆我軍追北捕斬過當
擒患眾匿城東軍至伏發君率二百人衣廟白衣短兵接擒圍之數重大風起
黃霧四塞二百人呼噪作氣突圍出奇兵彘趙諸軍乘勢合擊竟大破之擒首
任柱中鎔死賴汝洸國竄青濟牛老宏者尤桀悍建白色旗我軍馳濰西北遮
擊之君直取白旗擒白旗擒見白衣軍至則大駭陳亂餘黨逆散東擒殲於揚
州而西擒張總愚於七年春趨河朔畿輔大震復隨軍北援拒戰於七級河敗
之又敗之於桂平並推鋒衛擊總愚走後賊河苑論功君先已賞利勇巴圖魯

選總兵加正一品封典至是遂以提督記名而君兄武毅亦從劉公立數為提
督檢平統銘左軍六營駐張秋未幾沒軍君遂接領其衆為統將於是劉公督
陝西軍務迨至陝西張公巡撫江蘇奏調統君防吳淞用西法築礮臺十一彭
劉直公賞其精堅光緒九年法越事起張公遷督兩廣旋奏移軍防長洲築礮
臺十二十一率奉法兵援海疆劉公方孤守臺灣奏君往助時兩廣總督為張
公之洞而彭公亦督師在粵皆倚君留不遣行君以臺灣事急又從劉公久固
請赴援既至領前敵戰事和議成臺灣改建行省劉公為巡撫而授君澎湖鎮
總兵練新兵五營號宏軍屢剿平番社 賞黃馬褂頭品頂戴乞假歸尋丁內
艱廿年秋倭難作李公急召君君前所將卒皆留臺灣同別募卒六營仍號宏
軍壁新河朋李謀成 招授直隸正定鎮總兵改通永鎮駐北塘海口所統逾
六千人時 國威新挫淮軍舊部掃地盡矣君精勞憤鬱以廿三年六月己未
卒於軍年五十五 詔宣史館立傳入祀原籍暨各省淮軍昭忠祠配祭夫人
子榮成江西候補知府陞用進隨宜查氏子榮達以廿五年合葬并寢先墓側

越八年榮成來請曰願有紀也為之銘曰顯皇初服有盜獗狂孰剗矯之維淮
繼湘義旅雲蒸厥績旣旣辟靡廣庾備稱與宗君提一劍有勇無懼平洪濫擒
靡役不行既夷既清舉國而僮淮軍先後滄海田桑萬古憤慨閱茲一國我詞
旌之永載勿忘地林節曰威
碑極深宛

建威將軍提督銜記名總兵塔君墓表丁未

君諱氏諱政陞字佐父合肥人也先世明初有官指揮使者自江西來避籍
屯衛以武勇世家考曰錫璽成堂十季廬州再失殞身寇難子六人君次居長
先是巡撫江忠烈公駐師廬州君已毅然應募選在前驅拒寇南郭外彈傷右
脛東創勇戰尋從克壽州叙勞有聞淮軍起復張靖達公為裨將累功報都司
又從贈太常卿李公昭慶領護軍中營擢遊擊賞孔雀翎改領武毅中軍從
克湖州加總兵銜給三代正一品封典張公為徐海道調往徐州助防數月
復從李公領忠樸營擊擒山東河南屢戰有績加提督銜以總兵記名軍事
定歸居四季置祭田百畝貽族同治十一年春走謁李文忠公天津李公留充

北洋先鋒官兼統軍營務其冬張公巡撫江蘇因從南還張公署兩江總督
領督標親軍兼蘇防水陸營務光緒元年移防柘林六年移軍上海日暉橋七
年巡撫銜公榮光檄領撫親軍軍駐蘇州十二年五月某甲子以疾卒軍年五
十有八銜公上其績狀 賜卹如例明年李公奏請附祀江蘇淮軍昭忠祠君
性厚謹勝謀治軍嚴紀律尤以愛民為志從戰山東時鄒峒開新被兵民無穀
種置麥數百石散之餓者其防柘林用卒脩繕城郭屋廬平道路疏河渠建新
渠二橋民以號之曰樊公橋又捐脩漢壽亭侯廟南翔人苦河淤失水利復率
營卒濬之出千金為置倉插商民饗其利為立祠勒石紀念余惟大功之成非
一將之勝既已賴其死力即其孰未可駁散屯軍列縣亦固以震懾而天下遠
有養兵之費財賂坐耗稍復數年雖勁旅不見敵交綏未有不罷老者也有事
終不可用空靡敵海內高論者至欲去兵驅不教之民以詩臨事徵費則又慎
矣然則藉兵以興工作如君之所為亦知時持變之要術也君長子家璩臨次
家報以陰選授廣西恩恩通判既未君及配王夫人合葬縣西十里廟之原乞

余文表其阡同發前議以質後之論世者

姚祥符曰
大藏古碑

貴池縣知縣長沙宋君墓表 戊申

君諱慶嵩字璽伯一字聘香咸豐初從戎募積勞叙知縣直隸州知州 賜孔
雀翎留安徽同治十一年擢貴池令未上以疾卒君歷攝南陵績溪有惠愛不
留遺貲賄比沒世寡妻撫四歲兒無以為生計彭劉直公聞而唏曰廉吏誠難
為哉初君在南陵總兵羅宏裕以故交率軍過縣貸千金羅物故無子有市屋
蕪湖君弁不顧於是彭公知之既經紀君喪復理羅遺產之見侵奪者償貸金
兩無主後彭公親署春四屋一區歸宋檄行府縣如券言君之孤竟賴以立君
之任南陵也承兵燹後積骸遍野至則斥金數百為棺盛之不足繼以竹筭
覆之土是歲列縣疫大作南陵獨是然益務招墾有豪猾吏恃其族望交通為
不軌君懲之反誣搢君總督曾文正公曰宋令吾所應也置吏於法民大驅其
任績溪一如南陵及補貴池三縣皆隸皖南貴池民散君治化恨不被已定氏
其先直隸南和人當唐世文貞公為開元名臣文貞子八人其次子太僕少卿

吳少卿曾孫成通中為福建觀察廵官遂為福建莆田人廿八傳至兆鯤知
湖南郴州留不歸國又為長沙人矣乾隆時以舉人得知縣不就改華容教授
燦者君祖也父管歲貢生直隸州判州判子六人惟君有後君之子曰毓衡今
又為令安徽再推穎上有聲吳生子三人皆幼其君懷甯江家冲湖南公塋以
其配羅宜人相噫常君之歿遺孤蹙蹙旁無族親卒能自奮仍世長民此天也
而彭公之行義使亦良足風哉桐城馮其祖表